

大清同治辛未春重鑄

古今事物論

養真堂藏板

人物論序

鄭元直博古耽奇俯而就博士之業非其好也而業律不售癸未以明經謁大廷三置對三稱上旨籍籍有聲南宮矣而業終不盡售無何乞一瓊太湖流賊作變而元直條上便宜鑿鑿中會東南保障幾倚辦一書生之長此可謂不售乎而元直終不忘博古耽奇之癖也清齋苜蓿丙夜篝燈古今人物盡供甲乙閱數歲而書成頃過西巖謂余曰吾業不售復有意不朽願先生一言光之亦嚮者共事之誼也余受而卒業其世次自軒黃迄元其文于先秦于兩司馬于楊于范于鄒枚于安仁文通下逮我明于北地于信陽于厯下瑯琊于新都諸君子無所不

收是甯獨世代升降風氣沿革具是抑亦古今文運忠質文煩
簡之大都也元直何謂不售元直所售者在不朽矣遂喜而爲
之序

序

宋萬葉

粵自景緯闡人文之闕墳典剖先天之繩史書代著將與宇宙
相終始麟經絕筆而後以史鳴者無慮數百家其於千載得失
之林百氏品題之府亦既攬收而臚列之顧簡帙浩渺不翅象
緯川嶽然自非窮獵豈易鈎立春秋多博物君子而能讀三墳
五典八索九丘者獨倚相一人太史公局於六七種成書採摭
未備筆削靡遑至貽鄭漁仲博雅不足之恨況下此者乎南湖
鄭元直從暑齋同余執業師門雅志尚友靡史不蒐宦游多年
卷不去手聲名奕奕太湖蠡澤間比倦遊林居尤顓精嗜學卽
今春秋餘七十高矣晨風夜雨吟誦纂輯燈常熒熒也余幸隨

杖履於所纂人物論時披展一二促膝尋討竟日忘疲茲彙總成書爲卷凡三十有六仰邇皇初俯迄勝國代不數人人不數事并所權衡褒貶有會於衷者悉領挈而條布焉其攷訂詳核芳程懿誠犖然昭揭似止水之鑑眉睫而脈絡融貫組繪爛然卽歷代文章變態森森在睹則又似溟海之羅珊瑚論世垂編啓局來學毋亦信古傳述之遺歟昔孔聖刪修暮年始大著而韓文公亦謂著書俟五六十爲之未晚蓋閱久擇精則理醅而書以傳信故可垂日月而不刊鄭君庶幾近之矣夫法言一書初懸都市惟桓君山知其必傳是編也於諸史爲衆白之裘於讀史者爲迷津之筏其愛而傳也夫奚疑余不佞莫能爲玄晏

望元直願自附於君山之知言

序

方萬策

昔譚以人爲鑑可知得失斯讀史之妙鮮洞心之啓鑰也世之
驚博炫竒者多流連月露剽竊立詭反之心身世道猶拾藩然
何益殿最乎考諸名家著述代不乏人其表著者若荀悅袁宏
前後漢紀王悅三國典畧杜延業晉畧柳芳唐歷陳彭年唐紀
劉昫舊唐書馬南唐書蘇輒古史呂祖謙大事記以至國朝
若宋史新編史鉞史評日抄餘冬錄等書率能闡繹往緒提揭
羣蒙豈不斌斌獨鄭元直博士上下千萬年採人物論斷輯而
成編俾尚論者一開卷如見往詰顏面不出戶如羣千古正謬
斯亦當世得失之林也博士祖開莆來學茲以人物論備載籍

所未備懸來學之鑑而克開廣矣元直雖有執戟疲楊長沙投
賈之嘆然著書立言其荷擔則博且鉅也不佞知博士最悉故
僭言爲之序

自序

混沌初闢玄風遐邇史籍紀載非耳目所及難乎其言之也夫子因魯史作春秋褒貶所垂萬世尊爲鼻祖漢興龍門繼作史記上遡軒轅下迄天漢有本紀有表有書有世家列傳規制體格出自獨創二三十年來人物行事備是矣第遭秦火典籍尚缺其所摭摭戰國時書猶或未刪其刺戾者況其下陳范劉李輩乎余讀書卽喜讀史於所紀人物淑慝是非輒謬有評臆以自附一家之誼間以質之二三儕偶其持議有與余合者有不合者余不敢自信遍索羣書質之則又無不與余合也余始信人生意識大抵畧同二三儕偶之所欲言諸君子業先言之諸

君子之無不合也二三儕偶之有合有不合也古今人物有定論耶無定論耶於是次第采輯自三皇暨胡元釐爲三十餘卷大都以諸史評贊爲宗論者則次於其後其體略倣通鑑先各代之君而諸臣各以時綴之褒貶相次情勢相揣各呈所見毋問異同衆白彙而裘成千金懸而口箝吁論定矣至於一代文章其氣力風格遞斥遞變一披卷瞭然在目則是編或亦論世者所借爲羔雉也嗚呼家非鄴侯自慙寡陋霜毛蕭颯染翰唯艱博采而增益之所望於海內諸同志者萬厯戊申夏日

序

鄭元直先生閩中耆宿也著有人物論一書採前賢之宏議發
思古之幽情舉數千年人品之知愚忠奸善惡賢不肖及人事
之是非得失羅列於前若鑑之空而妍媸畢照若衡之平而輕
重不爽洵乎藝林圭臬後學楷模也然其間不無可議者采務
博而畧於割據擇未審而兼及詩歌至先後差參彼此複沓或
一人而列二卷或一章而分兩篇帝虎烏焉不一而足則又校
讐者之過序言此書成自暮年大抵規模粗定未遑訂正後人
遂梓而行之故未免稍遺餘憾要之前言往行可資多識果能
流傳海內俾後之學者或知夫知者忠者善者賢者是與得者

可以勸愚者奸者惡者不肖者非與失者可以懲未始非經國之大業不朽之盛事也惜兵燹後舊本僅存而紙已脆裂字多漶漫余恐湮久失傳沒前人之盛意爰就原本所載粗加校重付剞劂若夫缺者補之訛者正之是所望於嗜古之博雅君子時

同治十年歲辛未孟秋月岳陽劉璈詠仙氏識

撰文姓氏

西漢

賈誼

司馬遷

楊雄

東漢

班固

蔡邕

晉

陳壽

陸機

于寶

陶潛

五代宋

范曄

顏延年

南梁

勿命 姓氏

沈約

蕭子顯

劉勰

陳

姚思廉

北齊

魏收

隋

李伯藥

唐

太宗

孔穎達

魏徵

褚遂良

姚察

顏師古

張謂

張九齡

李翰

李觀

程晏

李白

杜牧

白樂天

皮日休

元稹

賈幼鄰

盧元輔

司空圖

陸龜蒙

獨狐及

楊夔

蕭定

歐陽詹

韓愈

柳宗元

皇甫湜

賈至

楊植

柳識

高適

劉禹錫

權德輿

陳鉞石

程浩

楊炎

尚馳

范傳正

牛僧孺

李德裕

裴度

李文饒

李商隱

羅隱

張起巖

李元賓

劉蛻

張彧

孫樵

孫盛

令狐德棻

李延壽

石晉

劉昫

宋

孫明復

王元之

石介

章表民

鄭獬

范仲淹

歐陽修

蘓洵

蘓軾

蘓轍

司馬光

范祖禹

黃庭堅

劉敞

王安石

宋祁

曾鞏

程顥

程頤

黃伯

秦觀

劉安世

陳無已

何去非

羅從彥

章子仁

陳傅良

孫之翰

張唐英

盧璘

石敏若

胡一桂

胡宏

胡寅

楊時

呂祖謙

陳埴

李漢

張栻

徐元黨

朱黼

朱熹

陸九淵

真德秀

魏了翁

劉子翬

李燾

唐子西

洪邁

戴溪

劉友益

黃震

鄭榮陽

林之奇

南宮靖一

謝枋得

唐珏

張文潛

元